

經律異相卷第四十四

啓四

有緣十三

男庶人部上

梁沙門僧是寶唱等集

毘陀以化城請佛見佛欲滅化不能一
阿難邠埡井出珍寶二
賢直竊珠不伏獲賜三

竹

慈羅放鼈後遇大水還濟其命四
千那傭畫得金設會爲婦所訟五

神識還摩挲故身之骨六

木巧師與畫師相誑七

醫治王病獲老報殊常八

破齋猶得生天九

耕夫施僧一訶梨勒果後生爲兩國
太子十

供養沙門心有善惡獲報不同十一

舅甥共盜甥有點慧後得王女爲妻
十二

羅閱國男子與耆闐崛國女人宿世

夫婦約不先語見偷取物夫能不言
十四

婦人鼻醜夫割他好者以易之十五
債人善解鳥語十六
溺人憑鳳獲全附鷗鷺頤命十七

有人買智慧得免大罪十八

有人張鬼免害十九

有人爲兩婦所惡心以至於死二十

有人遠求仙心主人惡心使登樹得

仙二十一

有人使鬼得富後害其兒二十二

有人富王責條疏已用物王便寶悟
二十三

有人爲罪王令割肉五斤二十四

二人共誓以胎中兒共爲婚姻二十五
大姓二兒大子失財被念小子得財
獲罪二十六

三人共施僧一錢後身獲自然之金

二十七

貧人供僧報致富二十八

貧人得伏藏爲王所治二十九

貧人買斧不識是寶三十

貧老夫妻三時懈怠端然守因三十一

答四

窮人違樹神誓爲樹枝所殺三十二

人遇象逐墮深谷際甘露降得昇天

三十三

五百幼童聚沙興塔命終生天三十四
童子施佛豆生天後作轉輪王二十五
牧牛兒取華上佛牛觸而死即生天

上三十六

小兒先身以三錢施今解鳥語遂得
爲王三十七

諸劫分物不識好者三十八

麤陀以化城請佛見佛欲滅化不能一

王舍城中有一幻士名曰麤陀俱言賢明解經

典曉了技術所作巧黠多能喜悅名聞高遠
摩竭人民皆所不及國內大小從其受學麤
陀遇覩世尊身色嚴妙念欲相試便示請佛
設知我意當不受請若不知者必受無疑佛
知其意欲度之默然而受麤陀謂佛無通慧
不見我意入王舍城於不淨處化作講堂懸
繒華蓋一一樹下爲諸比丘鋪師子座於講
堂中特爲如來設師子座高四丈九尺作百
味之饌時四天王及天帝釋與三萬二千天
人謂仁賢曰真得善利乃請如來講堂供養
吾助給所乏即化作誦殿如忉利宮佛與菩
薩及諸比丘往其講堂見佛坐已所造之座

答四

三

帝釋亦見如來坐其所造莊嚴之座仁賢聽
佛所說獨除自大投首佛足白佛言唯願如
來原我罪過即欲發其所作佛今不變復爲
說一切諸法皆如幻化

出幻賢經

阿難邠坻井出珍寶三

阿難邠坻在兒連山下居大富珍寶四遠賈

客舉貸乞匁者往無不得時有五百賈客行
海船壞珍寶皆沒死者不尗或依板得活咸
詣阿難邠城主人設食主人汲井得寶盤籠
各有題疏其姓字估客食訖皆悲主人問故
荅言我等伴侶五百人共行海中船舶翻沒
死者不少挾持小板劣得生活云失珍寶悲
急伴侶耳齧覩井中所得寶篋皆是我許不
知那余主人言卿曹行治生賈販若至心者
不失也但不至心故失耳我從無數劫以來
未嘗不至心初不欺侵諸失寶者皆趣我井
卿曹各自案姓字取去出譬經

賢直竊珠不伏獲賜三

昔人名賢直曾三預入聞讀經言天眼不瞬
誦念不忘然此賢直善偷他物眼前不覺國
王失珠召臣量議臣荅曰聞有賢直極能作
偷王勑錄來考問望得其言不偷王既有道
何由枉人又召諸臣共議有臣言曰當作方
便令其首伏當重枷鎖載市唱令殺之與酒

令醉然後脫鎻輿置堂上妓女作樂王勑妓
女賢直醒問汝可荅言此是天堂我是天女
應爲侍側君前身時偷國王珠故得生此王
便依之賢直聞已默念而去我聞經言天眼
不瞬此女悉瞬且我偷珠應入地獄將非國
王張我今首即便發言我得生天由不偷珠
妓女報王道賢直言王便大笑小子定不偷
我珠也即放令去重賜金寶此實偷珠誦念
一偈免罪得賜出雜譬經

慈羅放鼈後遇大水還濟其命四

昔有一人名慈羅見人賣鼈心中憐之向鼈
啼泣賣鼈者言汝何向鼈啼乎慈羅荅言我

鹽

升

不忍見之窮賣鼈者大笑汝癡狂耳荅言我
念此鼈從君請買主言鼈直百萬慈羅便將
之歸家傾舉子息得八十万慈羅言我錢盡
此假求無處賣鼈者言汝錢既盡可爲作佃
以畢錢直慈羅言諾以車載鼈投著河中鼈
便能言語方有大水君當上樹相呼後日洪

水大起人民死盡慈羅上樹呼龍鼈便來至慈羅坐鼈背上前去數里見一女人在流槎上殂息欲死便向慈羅乞匱求載慈羅啓鼈此人可憐乞得載之鼈言任便復載之前行十里見賣鼈子流槎上從慈羅欲求載之鼈言我已重恐必疲極不能自渡慎勿載之慈羅言可哀今是非當載之慈羅復載之前行數十里見數升蛾流彼槎上慈羅復報鼈載之前至那竭國女子便以金謝慈羅賣鼈人言此鼈本是我賣之汝今得金當持還我慈羅不與賣鼈子便到那竭國王所云慈羅偷人婦將之販今持金銀來在此國中那竭國王即召慈羅使吏斬之吏上言其事欲下筆書蛾輒綠筆不成字王聞之便問慈羅汝有何功德乎慈羅具答王誅賣鼈者出阿難現變經

千那儔盡得金設會爲婦所訟五

大月氏弗迦羅城有一畫師名曰千那往來東方多利施羅國客畫經十二年得三十兩

啓四

五

金持還本國遇見衆僧信心清淨即問維那此衆幾物得作一日食答曰可用三十兩金畫師併付維那乞營一食我明日當來空手歸家婦問十二年作得何等物答曰得三十兩金已種福田付僧設會婦縛夫以送付官具陳上事官問不給婦兒而以乞他畫師答曰我先世無福貧窮常辛苦遭遇衆僧是良福田若復不種善後世復貧苦相續無得脫瓊珞及所乘馬并聚落以施畫師謂之曰汝施衆僧衆僧未食是爲穀子未種而芽已生而大果在後出大智論第十一卷

神識還摩挲故身之骨六

昔有人死後鬼神還摩挲其故骨邊人問之汝已死何故爲復用摩挲枯骨爲神言此是我故身不殺生不盜竊不他婬不兩舌惡罵妾言綺語不嫉妬不瞋恚不癡死後得生天上所願自然快樂無極是故愛重之也出舊雜譬

木巧師及畫師相誑七

昔比天竺有一巧師作一木女端正無雙衣
帶嚴飾世女無異亦來亦去能行酒看客唯
不能語耳時南天竺有一畫師亦善能畫巧
師聞之作好飲食即請畫師便使木女行酒
擎食從日至夜畫師不知謂是真女欲心極
盛念之不忘時日以暮木師入宿留畫師住
以此木女立侍其側便語客言故留此女可
共宿也主人已入木女立在燈邊客即呼之
而女不來客便前牽之乃知是木便自慙愧
主人誑我我當報之於是畫師復作方便即
於壁上畫作已像所著被服與身不異以繩
繫頸狀似絞死畫作繩像著其口喙作已閉
戶自入床下天明主人出見戶未開即向中
觀唯見壁上絞死客像主人大怖便謂實死
即破戶入以刀斷繩於是畫師從床下出木
師大羞盡師即言汝能誑我我能誑汝客主

監

六

情畢不相負也二人信知誑惑各捨親愛出
家修道

出雜譬喻經第四卷

醫治王病獲差王報殊常八

有一大國王身得重病十二年不差一切大
醫無能治者時邊方小國攝屬大王有一醫
師善能治病王即招來今治已病未久之間

即蒙除降王便念欲報此師恩屢遣使者宣
令彼國此師見差宜應賞賚象馬車乘牛羊
田宅青衣直人嚴飾之具皆給與之彼小國
王奉宣上命師在王邊無有語者師便思惟
我治王病大有功夫未知王當報我與不復
經數日王轉平復其師請辭欲還本國王便
聽之給一羸馬乘具亦弊師大嘆恨我治王
病大有功夫而王不識恩分不相料理令我
空去循道愁嘆以爲永恨適至本國見有羣
象問象子曰此誰家象象子答此是某甲師
象復問象子曰某甲師何從得此象子答曰
某甲師治大王病差功報所得也小復前行

見有羣馬牛羊問曰此誰家物羊子答曰某甲師許小復前行見其本舍高堂重閣殊異本宅問門人曰此是誰舍門人答曰此是某甲師舍便入其閣內見其婦形色豐悅身服寶衣絰而問曰此誰夫人直人答言此是某甲師夫人從見象馬及入舍內皆知是治王

七
營

病功報所得便自追恨本治王病功夫少也

出雜譬喻經第四卷

破齋僧得生天事九

昔有迦羅越興設大檀請佛及僧時一人賣酪主人留食勸令持齋聽經至暝乃歸婦語之言我朝來不食相待至今敗壞夫齋半齋之福猶生天上七世生人間常得自然一日持齋六十萬歲自然之報又有五福一者少病二者身意安隱三者少姪四者少睡卧五者命終之後神得生天常識宿命出諸經中要事耕夫施沙門一訶梨勒果後生爲兩國太子十皆有一人在田耕時日已垂中家餉未至有

一道人失路至其田所從乞中食耕人曰諾小願頃留待家餉時家餉遲晚道人曰食既不至仍欲漱口耕人解其衣帶一訶梨勒果以與道人即受而食又有一錢以覩道人道人曰君心可感無以相報欲授五戒君能受不答曰弟子在俗五戒難全但受不殺耕人命盡生國王家皇后導從到流水邊歌舞作樂抱兒臨水失手墮水魚即吞之在腹七日不飢不渴隨流下過遂千餘里入下國界人捕得魚於市貨易時下國主遣人市魚將還城內用刀治魚兒在腹中唱曰徐徐勿傷我也即破魚腹見一小兒端正無雙舉國歡喜國主聞之曰此必我兒遣信索之下國主答魚腹中得天所賜我不肯與之二國共諱遂徹大國大王判云若上國不生此兒墮水下國何由而得若下國不得此兒上國何處求覓此兩有緣汝二國中間可作宮殿共安此兒号曰兩國太子即從此旨在於其中依太

子儀法佛語弟子昔日耕人一果一錢布施道人便得兩國太子

出雜譬喻經

供養沙門心有善惡獲報不同十一

昔有跛腳道人持戒乞食遇至一家信大法父見其患腳心生悲愍一年供養道人辭去

唐

主人言曰願數垂顧分離之際客主悲淚道

人去後主人發牀唯見金寶因此巨富鄰比一家見其大富問何因緣其人實答鄰人惡念希覓珍寶便覓一跛人欲供養之遍求無有會一道人身體完具縛還折脚供養少時強驅令去後發牀惡心所感毒蛇蜂蝎來螫

合家現世惡報後入地獄得珍寶者其心貞

吉被螫毒者其心不仁

出雜譬喻經

舅甥共盜甥有點慧後得王女爲妻十二

過去時姊第二人姊有一子與舅俱給官府織金綾錦及綾羅縠珍妙異衣藏中琦寶即共議言吾織作勤苦不懈知諸藏物好醜多少寧可共取用解貧乏平夜鑿地爲孔穿盜

取物明監藏者覺物減少以事啓王王詔勿廣宣之令盜者謂王多事不能覺察至于後日必復重來且嚴警守得者收捉無令放逸藏監受語即加守備其人久累重來盜外甥教舅年尊體羸力少若爲守者所得不能自脫更從地穴却行而入如今見得我力強盛當濟色舅舅邁入穴爲守者所執舅即喚呼甥畏人識截取舅頭而去晨曉藏監具以啓聞王又詔曰昇出其尸置四交路其有對哭取死尸者則知是賊如是積日有遠方賈客來人馬塞路奔突猥逼其人載兩車薪置其刃上具以啓王王詔若有燒者收縛送來

唐

九

外甥將教童豎執炬舞戲人衆揔集以火投薪熾燃而盛守者不覺具以啓王王又詔曰更增守者嚴伺其骨甥又釀純酒待令濃厚詣守備者微而酷之守者連昔飢渴見酒共飲飲酒過多皆共醉寐因以酒瓶盛骨而去守者不覺明復啓王王又詔曰前後警守竟

不殺獲斯賊狡黠更當設謀王即出女莊嚴瓔珞珠璣寶飾安立房室於大水傍衆人侍衛伺察非忘必有利色來趣女者素教誠女得抱捉喚人收執他日異夜甥尋竊來因水放株令從流下唱叫奔隱守者驚趣謂有異人但見株杌如是連昔數數不變守者睡眠甥即乘株到女室女則執衣甥告女曰可捉我臂甥預持死人臂以授與女便放衣捉臂大叫守者覺甥得脫走明具啓王王又詔曰此人方便獨自無雙久捕不得當柰之何女即懷妊十月生男大端正使乳母抱行周遍國中有人鳴就者便縛送來抱兒終日甥爲餅師住餅鑪下小兒飢啼乳母抱兒趣餅鑪下市餅哺兒甥見鳴兒即以還白王曰兒行終日無來近者飢過餅鑪賣餅者授餅乃鳴王又詔曰何不縛之乳母答曰小兒飢啼餅師授餅因而鳴之不應是賊王使乳母更抱兒出及諸伺候見近兒者便縛將來甥沾羨

酒呼請乳母及伺者就于酒家勸酒大醉眠卧便盜兒去醒寤失兒具以啓王王又詔曰卿等頑駁貪嗜狂水既不得賊復云失兒甥時得兒抱至他國前見國王占謝答對引經說義王大歡喜輒賜祿位以爲大臣而謂之曰吾之一國智慧方便無逮卿者欲以臣女若吾女當以相配自恣所欲對曰不敢若王見哀欲索某國王女王曰善哉從所志願王以之爲子遣使者往求彼王女王即可之王續念言或是盜兒前後狡猾即遣使者欲迎吾女遣其太子五百騎乘皆使嚴整甥懷恐懼恐到彼國王必執之便啓其王若王見遣答四

令人馬五百騎具衣服鞍勒一無差異乃可迎婦王然言即往迎婦王令女飲食待客二百五十騎在前二百五十騎在後甥在其中跨馬不下女父自出入騎中執甥曰余爲是非前後方便捕不可得爲是余非誓首答曰是也王曰卿之聰皓天下無雙隨卿所願以

女配之得爲夫婦外甥吾是女父王者舍利弗是舅者調達是國王父輸頭檀是母摩耶是婦拘夷是子羅云是

出生經
第一卷

羅閱國男子與耆闍崛國女人宿世有緣十三昔有耆闍崛國有一少女姿形美妙才智絕倫性情寬和初不瞋怒家門九族及諸隣近

莫不愛敬諸國求索有百千人竟未成嫁時羅閱國有一少男天姿英秀心意高邁國中百姓莫不畏敬雖有妓妾夫人初不幸近每

念耆闍崛國有女本是我對未及至耳即曰滿堂皆是勢利所得非我偶也一時遭逐蕭然都盡乃乘白象從僕二人往造彼國經山涉草行千万里五年方至女處深宮無故心動因出逍遙試闖外間忽見此男且悲且喜不可抑忍此是吾夫前後見求非我宿匹便自親著夫情依依女之父母憂惱無計云養女長大不悟如此急加防錄不得通問女子懊惱不知何計男子悲惶同懷愁悽於是女

答四

士

子精苦齋戒晝夜行道棄散資財施佛及僧心勞形枯經涉五載音問不達彼此懷情竟無所感乃以四月八日親自束身往到佛塔燒香禮拜發此志願割刻肌肉供養出尊不敢自惜惟願此志一得申果佛令比丘尼爲其作緣便得和偶佛告阿難所以者何皆從

阿僧祇劫已來久結願約故得余耳

出情離
有罪經

夫婦約不先語見偷取物夫能不言十四

昔有夫婦共食三餅人各一枚餘一欲破分婦言莫分與君共賭各自不語先言者失後語者得於是閉口至于中夜土攻偷入見其二人坐而不語謂是大怖不敢作聲收斂其物擔將出戶婦大喚曰汝是丈夫那置物去夫言我勝我勝今得一餅衆人責笑謂大顛癡

出百句譬喻
經第二卷

婦人鼻醜夫割好者而易之十五

昔有一人見他婦鼻端正心自念言我婦面貞第一唯恨鼻醜今取此鼻代我婦鼻即引

女屏處割鼻將還又割其婦鼻安此女鼻彼此失鼻兩不相著衆人怪罵真大癡狂出百句譬喻經第一卷

貨人善解烏語十六

昔有一極貧人善曉烏語爲賈客賃擔過水邊飯烏鳴賈客怖作人反笑到家問言我在彼飯時間烏鳴我大怖而君反笑何耶答曰烏向語我賈人身上有好白珠汝可殺之取珠我欲食其肉是故我笑耳曰汝何不殺也答曰我坐前世貪人財物故貧爲貨擔若復殺人取物後世受苦何時當已我今死死不爲此事出譬喻經

溺人憑鳳獲全附鷁鵠殞命十七

大水卒淹有命之類依丘避之復垂欲沒忽有鳳凰到智者所依附其翅遂上高原得免水厄餘未去者忽見鷁鵠便託其羽而此鷁鵠遂入深水一時溺喪出雜譬喻經
有人買智慧得免大罪十八

昔有一人貧窮無用治生入海採寶還國遇善知識言我素貧窮今得此物足以自諧若母不可我意當捨母居去若婦不可我意我當更索知識答曰近此間有大智慧人滿城中可往就買智慧不過千兩金自當語卿智慧之法其人如其言入事佛聚落具以問人答曰夫所疑事前行七步却行七步如是至三智慧自生其人夜歸家見母伴婦眠謂是他男拔刀欲殺意中不憚燃大燈火遙照思惟朝買智慧如是前却三反母便覺寤此人歎言真爲智慧何但堪千兩金即復與三千兩金出十卷譬喻經卷第四

有人張鬼免害十九

昔有一人行於山中逢一鬼人鬼輒欲食之其人求哀假命須臾請問一事却乃見鬼爲不恨也鬼信其人謂是誠事聽其所欲即問鬼言何故面白腳膝腹白其餘處盡黑鬼即答言我之爲物性惡日精背日得行不得向

日以是故其人向日而走鬼但空恨不能得也出十卷譬喻經第四卷

有人爲兩婦所惡以至於死二十

昔有一人作兩業有二婦適詣小婦小婦語言我年少婚年老我不樂住可往大婦處作居其婿拔去白髮適至大婦處大婦語言我

答曰

十三

何

年老頭已白婿頭黑宜去於是拔黑作白如是不止頭遂禿盡二婦惡之便各捨去坐愁

致死過去世時作寺中狗水東一寺水西一

寺聞犍搥鳴狗便往得食後日二寺同時鳴磬狗浮水欲渡適欲至西復恐東寺食好向東復恐西寺食好如是猶豫溺死水中出十

卷譬喻經第三卷

有人遠求仙主人惡心使登樹得仙二十一昔有一人聞外國有仙入中得仙便向外國寄他宿止主人問客君欲何去答曰學仙主人懷惡語客言曰我有仙樹君能與我一年苦作便與君仙何煩遠去客言甚善一年苦

作恒無愠色一年既滿其主人公本心相欺既無仙樹將至山中指臨巖樹云此是仙樹君上其頭我喚君飛應聲飛擲客人心至即於此樹飛騰虛空遂得仙道主人公見我令其死何悟得仙深重此樹情言是聖復經少時父子相與共到樹下讓父先上兒便喚言阿爺可飛父即欲飛墮巖石上身體粉碎出雜譬喻經

有人使鬼得富後害其兒二十二

昔有一人於市賣趾耶鬼欲買鬼者問索幾許鬼主言二百兩金曰此鬼有何奇異乃索余所金耶曰此鬼甚巧無物不爲計一日作當百人唯有一病宜先防護之間爲何等病曰此鬼欲使作時晝夜使之莫令停息若無作者便還害主主人顧金將歸令作田種作田種竟便使木作木作竟復使治地作屋春磨炊爨初不寧息數年之中乃致大富主人有事當行作客忘不處分而鬼復欲作無有

次第取主人兒內金中燃火煮之比主人還子以爛熟傷切懊惱知復何言出譬喻經有人家富王責條疏其已用物王乃覺悟二十三

昔有富人王令條物其即疏某年用若干千萬造佛用若干作齋會經書又以若干供卹

菩薩

古

貧老今現有八十九千萬以疏呈王王大瞋怒問汝現物忽牒已用富人答曰已用者最爲寶藏資人神明是以奉呈未用之財五家共有非獨臣許是敢條疏王便覺悟功德可恃出譬喻經

有人爲罪王令割肉五斤二十四

菩薩

主

昔有一人犯罪於王王大瞋忿使割其背脊五斤肉置之下屋此人痛苦叫喚徹王王問何意不分答曰實非我罪王思愧之勑以一百斤肉乞其猶故呻喚王曰頓補百斤云何大喚諸臣答言不見此法與千斤何益其痛若人一兒已死他人以百兒與之此人能不

念其兒不出百句譬喻經第三卷

二人共誓以腹中兒共爲婚姻二十五

有二人共爲知識婦各懷妊便相約誓若生

菩薩

古

男父死早長大未娶行賣雜物偶至女家女家公問從何來居止所在父母姓字男具以荅公聞大驚乃語兒曰卿父存時與我胎婚我常相求不相知處女未敢嫁男言我都不知女公曰卿問親近男還問乳母信然男到女家道見溝水流入一髑髏中無有滿時兒恐前行復見樹果熟欲取敢之果便言取我取我兒大怖懼疾走躡地前到女家狗逆長

跪舐其兩足狗腹中子哮呼來前欲傷齒之便復頓地父乃蘇息女公來出兒具陳說公甚怪之入語其女女答公曰道見溝水流入髑髏無有滿時者後世當有殷聚天下財物珍寶供給一人無有滿足見樹果熟欲取敢之而果言取我取我者後世之人自求大女

而小女言何不索我何不索我狗速長跪舐其兩足狗腹中子嗟呼來前欲齒之者後出之人相與言語口如脂膏心如錐刀口相飽滿內相謀圖皆爲後世不爲今也即嫁女與男遂其本志出十卷警喻經第八卷

太姓二兒大子失財被念小子得財獲罪二

十六

昔大姓有兩兒各以二百萬與行賈大子盡用擣蒲衣被敗壞還以啓父父言得汝而已用財何爲爲作衣被飯食善安慰之小子來歸啓父得二百萬利父曰取疏來與共校計不含數千便縛捶之如是三行收利六百萬還輒得捶大子三行失六百萬止他國不歸與無賴人相隨語彼人言我父有金銀白珠各一笥在大床頭汝歸白父道我不遇失去財物未敢還汝得便殺我父取物將來可得共用此人至其家與父相見述其兒言父聞啼泣曰用財物爲我子何不來食息悲咽客

言君子不孝用錢作惡一時都盡令我來殺君取君金銀我見君念子待遇我厚令我心感父言小子尚癡便使迎之謂子汝去錢卑歸何因作癡語更作衣被與之師曰小子償債大子來責出十卷警喻經第六卷

三人共施僧一錢後身得自然之金二十七

昔有三人共賈行各分得五百萬餘有一錢欲與一人則爲不平欲破分之事爲不然時沙門分衛三人共言布施沙門各言大佳毛共持與沙門呪願令汝今世後世並得其福共生羅閱國中各得豪富一人主山中採金一人主耕田取金答四一人主井中汲取金爲受

十六

前世布施之福國王聞之念我國人物皆我許便將人兵詣山採金金化作石復至一家地耕取金金化爲土復至一家井中汲取金金化作瓦都不能得王問佛言此三人金計爲我許往取皆化不得是金此人前世有何功德今致此福佛具言之非是王物王不應

取出雜譬喻經第三卷

貧人供僧報銅餅打之出物遂至巨富二十八
昔有貧家供養道人一年便去用一銅瓶乞
主人言此瓶是神打此瓶口所索皆得莫請
國王別後打瓶家遂巨富忘道人囑遂請國
王王問富因實而答王王即奪瓶家轉窮弊
方憶道人四出覓見依實白言道人曰故須
此瓶乞君一榼盛以村石賣詣王門求索瓶
也直到王門高聲索瓶王聞大怒遣數十人
欲來捉之開出村石風吹橫空王使人身爲
此木石打破頭額復出千人風勢所破死尸
塞門王大怖惄求還其瓶其人得瓶家復大
富廣作功德死得生天出雜譬喻經

貧人得伏藏爲王所治二十九

佛與阿難入王舍城時天大雨沃伏藏出
諸寶物佛言毒蛇阿難云惡毒蛇山下有刈
麥人聞之念言我未曾見沙門毒蛇即往見
物以車輿衣囊取著家內現富貴相新作大

書

十七

舍有嫉妬人白王先有貧窮賤人卒見富相
是人必當得大寶藏王即喚問答言不得即
勸考治是人憶佛與阿難名之爲惡毒蛇也
誰得寶藏不語一心念佛王者作如是言佛
言毒蛇阿難言惡毒蛇王即喚問是人答言
大王若施無畏者我當說實王許其具陳上
事今於我身能作何等必歟我命王賞金錢
五百能於急中說於佛語及阿難語出十誦
律三誦第二卷

貧人買斧不識是名寶後知悔恨三十

昔有貧寒孤獨老公家無自業遇市一斧是
衆寶之英而不識之持行斫株賣之以供微
命用斧欲盡會見外國治生大估客名曰薩
薄見斧識之便問老公賣此斧不老公言我
仰此斧活不賣薩薄復言與公綃百疋何以
不賣公不應和薩薄復言與公二百疋公便
悵然不樂薩薄復言嫌少當益公何以不樂
與五百疋公便大啼哭薩薄復問公綃少當

益何以啼哭公言我不恨絹少恨我愚癡此
斧本長尺半斫地以盡餘有五十猶得五百
延絹是以爲恨耳蘊薄復言勿有遺恨今與
公千延絹即便破券持去薪火燒之盡成貴
寶出諸經中要事

貧老夫妻三時懈怠端然守困三十一

世尊晨朝入舍衛城尊者阿難從有二老夫
婦年耆根熟儻背如鈎詣里巷頭燒糞掃處
俱蹲向火猶如老鵠欲心相視佛告阿難汝
見彼夫婦不阿難曰如是佛曰此二老夫婦
若於年少盛壯之時勤求財物者得爲舍衛
城中第一富者若出家學道精勤修習者得
阿羅漢於第二分盛壯之時若勤求財物得
爲舍衛城中第二富者若出家學道者得阿
那含果中年之時若勤求財物得爲舍衛城
中第三富者若出家學道得斯陀含果乃於
今日年耆根熟無有錢財無有方便不復堪
能苦覓錢財亦不能得勝過人法復爲說偈

齋

十八

九

不修梵行故不得年少財思惟古昔事

眠地如曲弓不修於梵行不得年少財

猶如老鵠鳥守死於空池

出雜阿含第十五枝第四十

窮人違樹神誓還爲樹枝所殺三十二

二時過卷又出三經

維耶梨國有迦羅越奉佛供養呪願畢請聞
法義佛笑口光繞身三匝還從頂入阿難問
故佛言彼國有五百人入海採寶置船步還
經歷深山日暮止宿預嚴早發四百九十九
人皆去一人卧熟失伴仍遇天雨雪失去徑
路窮厄山中啼哭呼天有栴檀樹神謂窮人
言可止留此自相給衣食到春可去窮人便
留至于三月啓樹神言受恩得全身命未有
微報顧有二親今在本土實思得見願垂發
遣樹神言善以金餅施之去此不遠當得國
邑可得遷還至汝鄉里窮人臨去問樹神言
此樹香潔世所希有今當委遠願知其名神

言不須問也窮人復言依蔭此樹積歷三月
 今當遠離情懷恨恨若到本國當宣揚恩樹
 神便言樹名栴檀根莖枝葉治人百病其香
 遠聞人所貪求不須道也窮人至國中外親
 感喜相慶慰後國王病頭痛禱祀天地山水
 諸神不能消老人名醫省視唯得栴檀香病可
齋
九
 得愈王即募求民間無有便宜令國中得旃
 檀香者拜封爲侯妻以小女時窮人聞賞祿
 重便言我知旃檀香處王便令近臣將窮人
 而往伐取徑到樹所使者見樹洪直枝條茂
 盛華果煌煌人所希見心不忍伐不伐者則
 違王命病不消愈伐之者中心隱隱踴踴
 徒不知云何樹神於空中言便伐之但置其
 根耳伐竟以人血塗之肝腸覆其上樹自當
 生還復如故使者聞神言如此便令人伐之
 窮人住在樹邊樹擗地枝擣殺之使者共議
 候割窮人取其肝血如神所勑樹即更生車
 載所伐樹以還國中醫即進藥王病得愈舉

國歡喜王命國中人民其有病者皆詣宮門
 王出香藥給之病皆得愈王身康寧黎民無
 痘舉國欣欣遂致太平出旃檀樹經
 人遇象遂墮深谷際天甘露降遂得昇天三
 十三

昔有人行空澤中見一黑象人念此象必來

害我我當殺之象亦念言人必殺我我當危
 之人便捨去象從後逐前走數里墮一深谷
 谷絕無底即於岸邊捉持樹根其形如指尋
 根而下懸在岸邊象於谷上以鼻撈之欲及
 不及下向見底但是矛戟復有兩鼠共蹠樹
 根又三黑蛇出頭欲齧復有蚊蚋來螫其眼
 其人念曰今日死矣仰天求救聲哀情至天
 降甘露滴其口中始得一滴二鼠去得二滴
 毒蛇捨之得三滴黑象自還得四滴蚊蚋除
 得五滴深谷自平出在平地天為化道將還
 天上出譬喻經第七卷

五百幼童聚沙興塔命終生兜率天三十四

五百幼童相結爲伴日日遊戲俱至江水聚

沙興塔各言塔好雖有善心宿命福薄時天
卒雨江水暴漲流溺而死佛告衆人五百童
子生兜率天皆同發心爲菩薩行佛放光明
令其父母見子所在佛遙呼五百幼童來尋
時皆至住於虛空中華散於佛下稽首禮言

稽首

二十

蒙世尊恩雖身喪亡得見彌勒佛佛言善哉
卿等使計知道至真興立塔寺因是生天見
於彌勒咨受法誨佛爲說經咸然歡喜立不
退轉各自父母勿復愁苦努力精進以法自
修父母皆發道意稽首足下遶佛三匝忽然
不現還兜率天出生經第四卷

童子施佛豆生天後作轉輪王三十五

昔有童子數人共戲道中遇佛一人作禮手

中有五粒豆上佛四粒入鉢一粒墮地佛言
令汝世世得福童子命終即生天上後八十

世爲轉輪王出譬喻經第一卷

牧牛小兒取華上佛中路牛觸而死即生天

上三十六

佛泥洹後百年山中田澤草木茂盛山外不
遠有居人村牛馬入池生五色蓮華牧牛小
兒入池採取滿器蓮華持出山際欲以上佛
未至於寺道逢羣牛觸殺小兒其神即生忉
利天上自然宮殿五色蓮華始生天中而自

念言吾宮獨有異色蓮華但諸天法先觀宿
命因緣後乃食福即見前人相謂此天新來
共相娛樂云何惶惶不安復往問之答曰吾
本是牧牛小兒采蓮華欲散佛塔中道無常
緣是之福來生此耳是以今摘華復欲詣先
塔散佛禮拜卒我本願時五百天人執持蓮

塔

七

華相隨散佛塔緣是之福彌勒下時當共得
道出譬喻經第一卷

小兒前身以三錢施今解鳥語遂得爲王三
十七

昔有一人用三錢布施乞求三願一者將來
得作國王二者解衆生語三者多諸智慧其

人命終生庶人家形色端正王慕為左右此兒投募得侍王側見鷺在巢仰看而笑王問何笑答曰鷺言我得龍女髮長十丈喫伴看之王曰審余者好無此者殺遣看即得王欲取女為婦語小兒言汝解鳥語必應多策給汝食糧覓此女人得者重報若不得殺汝及家口小兒冒死向東海邊見二人共諍隱形帽履水靴殺活杖小兒曰何須云云我放一

箭君二人逐先前得者與三種物答曰善引弓放箭二人爭走小兒取帽著靴捉杖直入海中至龍所脫隱形帽令龍女見女人多欲遂與小兒持一餅舍還至外國其王遣迎勑女獨入曰女便前進小兒著隱形帽隨女而入女見王醜以金擲王額破命終小兒脫帽共女上殿高聲唱言我應為王女為皇后霸王天下出雜譬喻經

諸劫分物不識好者三十八

昔有衆商人經由嶮道值劫火失衣物中有

一衣是鹿胎毛細軟滑澤織持作衣其價百倍而色紫黑不悅人眼劫不賞別用持作幡以盛鹿衣他處共分各取雜物謂是奇好餘此一幡未展分張劫羣中有困弱人獨不與分苦論共以幡乞即自賣之時大貴人知是好物依限雇直比於餘劫所得等分諸劫聞之大生耻惱出百句誓前經第一卷

經律異相卷第四十四

啓四

船舶下音挾持上音胡瞬詩閨檻上上音助口冢
鞞陀上音蒲末反邪塗上音布巾反欵苦管備畫容音
舅甥下音生賃尼下音賃禁溺人上音奴鷗鷗上音芳
怠待下音蠲除上音俱舉貸下音他處鹿下音告帖
警守上音景奔突丁徒猥逼上音必羅縠下音反耕蒔
爐峯下音許狡黠上音巧株杌下音骨鳴啼下音子
嘴步頑駭下音胡八解反貪嗜下音視盜魅下音密反狡

猾

上吉下玄八反

巧反跨馬化

苦反聰詰字

高邁

販下莫堂四

鬪

反傾迷

肌肉

上音

土攻

苦貢反

卒淹

上鹿骨反一蓋

剝

反奇連

翅膀

音去諧反

皆健

捷追上巨寒下

褪

追反

運

灰質反

炊爨

音下龐反

背脊

下音呂反

搘

神反

刈

反魚反

齒

五巧反

樗蒲

上日反

捶之

上委反

追苦

反苦反

券

反丘立原

儂

主反

背

上力反

追苦

反苦反

標殺

上朱反

擗

觸也

蚊

胡毒也

恨

音諒

煌

音蹠蹠直

標殺

上朱反

標殺

上朱反

矛戟

音戟

搏

音搏

標殺

上朱反

標殺

莫

音莫

搏

音搏

搏

音搏

搏

勞

音勞

搏

音搏

搏

音搏

搏

莫

音莫

搏

音搏

搏

音搏

搏

摩

音摩

那

音那

那

音那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那

那